



ALTERNATIV DEMOKRATESCH
REFORMPARTEI

Groupe parlementaire

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, de 05. Oktober 2020

Här President,

sou wéi d'Chambersreglement et virgesäit, bieden ech lech, dës parlamentaresch Fro un den Här Bausseminister an un den Här Wirtschaftsminister weiderzeleeden.

Dat europäescht-kanadescht Handelsofkommes CETA ass bekanntlech scho provisoersch a Kraaft. Op der anerer Säit huet dat zyprionescht Parlament dëse Summer eng Ratifizéierung vum sougenannte CETA-Accord refuséiert. Dat war de Fall well d'Majoritéit vun den Deputéierten aus dem Parlament vu Nikosia fäert, datt wichteg landwirtschaftlech Produkter déi fir den Export bestëmmt sinn, da net méi genuch geschützt sinn. Een Haapt-Beispill ass hei den Halloumi-Kéis. Gefaart gëtt virun allem datt grouss Konzern, duerch en A-Kraaft-Triede vum CETA-Accord, ze vill Muecht kréien, dat virun allem well dës doduerch Virrechter beim Festleeë vun industrielle Standardde kréien.

Déi däitsch Bundesregierung déi de Moment d'EU-Rotspreidentschaft assuréiert, huet rezent matgedeelt datt si, trotz dem zyprioneschen Nee, net bereet ass fir den Accord nozeverhandelen. D'Regierung op Zypern hat awer no der Ofstëmmung am Parlament ugekënnegt fir nozeverhandelen ze wëllen. Bis elo hunn eréischt eng 15 EU-Länner de CETA-Accord ratifizéiert, dorënner och Lëtzebuerg. Bei eisem däitschen Noper, zum Beispill, ass dee Prozess nach net ofgeschloss, well nach op en Urteel vum Bundesverfassungsgeriicht gewaart gëtt. An Däitschland an och an anere Länner wéi Frankräich, Italien an och Lëtzebuerg gëtt et gesellschaftleche Widderstand géint d'CETA-Ofkommes.

Dowéinst wéilt ech den Häre Ministeren dës Froe stellen:

1. Ass d'Regierung der Meenung datt de CETA-Accord, wéinst dem zyprioneschen Nee, muss nozeverhandelt ginn? Ënnerstëtzt d'Lëtzebuenger Regierung Däitschland a senger Positioun fir net nozeverhandelen oder ass d'Lëtzebuenger Regierung an dem Punkt op der Säit vun Zypern?
2. Wéi eng rechtlech Auswierkungen huet, der Lëtzebuenger Regierung no, den zyprioneschen Nee, esou wuel op de CETA-Accord als Ganzt, wéi och op den Deel den, dem EU-Conseil no, nach an an der Kompetenz vun de Memberstaate läit?

3. Wéi eng laangfristeg Auswierkungen op d'Ratifizéierungsprozedur vun EU - Handelsaccorde kann den zyprioneschen Nee hunn?
4. Wéi eng Auswierkungen op d'EU-Baussenhandelsbeziungen huet den zyprioneschen Nee?

Mat déiwem Respekt,



Fernand Kartheiser
Deputéierten